

SESIÓN EXTRAORDINARIA E URXENTE DO PLENO MUNICIPAL DO DÍA 14 DE OUTUBRO DE 2021

No salón de sesións da casa do Concello de Cambre, ás trece horas e un minuto do día catorce de outubro de dous mil vinte e un, baixo a presidencia do señor alcalde, don Óscar A. García Patiño, reúnese en sesión extraordinaria e urxente, en primeira convocatoria, o Pleno municipal.

Asisten os señores concelleiros don Juan González Leirós, dona Elisa Pestonit Barreiros, don Ramón Boga Moscoso, dona María Carmen Pan Matos, don Daniel Mallo Castro, dona Mónica Varela Germade e dona María Dolores Pan Lesta, de UxC; dona Lúa Sanguñedo Álvarez, don Miguel Ángel Gutiérrez Nieto, dona Patricia María Parceró Quiñoy e don Diego Alcantarilla Rei, do PSdeG-PSOE; don Juan María Abalo Castex, dona María Jesús González Roel e dona Marta María Vázquez Golpe, do PP; don Daniel Carballeda Rodríguez e don Brais Cubeiro Fernández, do BNG; don Raúl Varela Fraguío, de AV; dona María Olga Santos López, de EU-Son en Común; e dona María José García Hidalgo, de C's.

Non asiste, con escusa, dona Sandra Sánchez Vieites, de AV.

Asisten don Francisco Javier Ulloa Arias, interventor, e dona María Luisa de la Red Ampudia, secretaria xeral.

Segundo establece o artigo 130.1 do Regulamento orgánico municipal, no Concello de Cambre as actas do pleno municipal adoptan o sistema de videoactas.

De acordo co previsto no artigo 130.2, apartado 1º do citado texto normativo, o presente documento correspóndese coa acta sucinta da sesión extraordinaria e urxente do Pleno municipal do día 14 de outubro de 2021, que xunto coa gravación dispoñible no enderezo electrónico <http://plenos.cambre.es> (ID: Video_202110141101070000_FH), constitúe o documento público e oficial de videoacta desta sesión.

Faise constar que en cada punto da orde do día desta acta sucinta, inclúese a referencia temporal do comezo da gravación do dito punto, isto co fin de facilitar a súa localización.

Aberto o acto pola presidencia, examináronse os asuntos incluídos na orde do día da convocatoria.

1. Pronunciamento do Pleno respecto da urxencia da convocatoria e do seguinte asunto a tratar, de conformidade co establecido no artigo 95.2 do Regulamento orgánico municipal

Acceso á videoacta – 00:00:21 horas

A concelleira delegada da Área de Economía, Facenda e Recursos Humanos, dona María Dolores Pan Lesta, xustifica a urxencia da convocatoria.

Sometido o asunto a votación ordinaria do Pleno municipal, votan a prol os oito concelleiros de UxC (don Óscar A. García Patiño, don Juan González Leirós, dona Elisa Pestonit Barreiros, don Ramón Boga Moscoso, dona María Carmen Pan Matos, don Daniel Mallo Castro, dona Mónica Varela Germade e dona María Dolores Pan Lesta), os catro concelleiros do PSdeG-PSOE (dona Lúa Sanguñedo Álvarez, don Miguel Ángel Gutiérrez Nieto, dona Patricia María Parceró Quiñoy e don Diego Alcantarilla Rei), o concelleiro presente de AV (don Raúl Varela Fraguío) e a concelleira de C's (dona María José García Hidalgo). Votan en contra os tres concelleiros do PP (don Juan María Abalo Castex, dona María Jesús González Roel e dona Marta María Vázquez Golpe). E abstéñense os dous concelleiros do BNG (don Daniel Carballeda Rodríguez e don Brais Cubeiro Fernández) e a concelleira de EU-Son en Común (dona María Olga Santos López).

O Pleno municipal, por catorce votos a prol, acordou ratificar a urxencia da convocatoria e do seguinte asunto a tratar, isto de conformidade co establecido no artigo 95.2 do ROM.

2. Aprobación, se procede, da Conta Xeral do Concello de Cambre do exercicio 2020

Acceso á videoacta – 00:03:14 horas

Visto o ditame favorable emitido pola Comisión Especial de Contas o día 17 de setembro de 2021.

Vista a proposta da concelleira delegada da Área de Economía, Facenda e Recursos Humanos, do día 13 de outubro de 2021, que consta do seguinte teor literal:

«Cumprimentado o trámite legal de exposición ao público da Conta xeral do Concello de Cambre do exercicio 2020, previsto no artigo 212 do Texto refundido da lei reguladora das facendas locais, aprobado por RD lexislativo 2/2004, de 5 de marzo (téndose publicado o anuncio de exposición ao público no *Boletín oficial da provincia* núm. 179 de data 20 de setembro de 2021), que finalizou o pasado 11 de outubro do presente ano, e non téndose presentado alegacións durante dito prazo, procede elevar ao Pleno, co ditame favorable da Comisión especial de Contas, a seguinte **proposta de acordo**:

Aprobar a Conta xeral do Concello de Cambre correspondente ao exercicio económico 2020, nos termos que constan no expediente, integrada pola conta anual do Concello e a documentación complementaria legalmente establecida, así como a súa remisión, unha vez aprobada, ao Consello de Contas de Galicia e ao Tribunal de Contas.»

Sometido o asunto a votación ordinaria do Pleno municipal, votan a prol os oito concelleiros de UxC (don Óscar A. García Patiño, don Juan González Leirós, dona Elisa Pestonit Barreiros, don Ramón Boga Moscoso, dona María Carmen Pan Matos, don Daniel Mallo Castro, dona Mónica Varela Germade e dona María Dolores Pan Lesta), os catro concelleiros do PSdeG-PSOE (dona Lúa Sanguiniedo Álvarez, don Miguel Ángel Gutiérrez Nieto, dona Patricia María Parceros Quiñoy e don Diego Alcantarilla Rei) e a concelleira de C's (dona María José García Hidalgo). Abstéñense os tres concelleiros do PP (don Juan María Abalo Castex, dona María Jesús González Roel e dona Marta María Vázquez Golpe), os dous concelleiros do BNG (don Daniel Carballada Rodríguez e don Brais Cubeiro Fernández), o concelleiro presente de AV (don Raúl Varela Fraguío) e a concelleira de EU-Son en Común (dona María Olga Santos López).

O Pleno municipal, por trece votos a prol, aprobou a proposta tal e como foi transcrita.

E non habendo máis asuntos que tratar, o señor presidente levantou a sesión cando son as trece horas e vinte e dous minutos, do que eu, secretaria xeral, certifico.

O presidente

Óscar A. García Patiño

A secretaria xeral

María Luisa de la Red Ampudia